

巴陵縣志卷之三十四

人物志七 列傳

國朝

劉定泰字階平道光壬午武舉人累官貴州威甯鎮標中軍游擊咸豐元年帶兵征粵逆於象州羅秀村陣亡事聞照參將例賜卹給世職入祀忠義祠子鶴齡承襲定泰能拊循士卒不以餉自潤及死其家屬羈滯四川官所舊部爲歛資贍給遂家焉

鍾謙鈞字雲卿湖南巴陵人道光二十四年報捐從九品分發湖北旋丁父憂服闋仍赴湖北候補咸豐元年署沔陽州鍋底巴陵縣志

卷之三十四

人物志七列傳

一

司巡檢五年團練有功以府經歷縣丞陞用六年籌辦軍需出力擢知縣七年丁母憂湖北巡撫胡林翼奏畱辦理膏井鹽茶事宜八年湖廣總督官文以謙鈞潔已奉公民情悅服保奏得旨以同知直隸州補用九年檄辦牙帖釐金鹽釐等務勞勩最著經胡林翼奏獎以知府用先換頂戴十一年隨官文等克復黃州府縣城池捷入 命免補本班以知府補用並 賞戴花翎旋部議以免補本班與例不符駁之 特旨允准同治元年補漢陽府知府甫歷任值亢旱步禱於九真山雨立至轉歉爲豐漢陽舊有晴川書院燹於兵謙鈞捐俸倡修增齋舍二十餘楹捐田以助膏火並籌資生息爲經久計漢沔頻遭水患災



民流徙輒十數萬謙鈞於大別山麓設廠散給糜粥加意撫恤  
寒暑靡閒流民無一失所者時漢陽攔江大隄潰圯以工代賑  
全活無算漢口無城郭商賈輻輳每多盜警謙鈞倡修堡垣集  
資十餘萬逾兩歲而工成崇垣縣亘十餘里賊由黃麻來犯者  
望而卻走市廛賴以安堵遂免流徙之患復捐資倡修育嬰敬  
節兩堂嚴立條規保全甚衆參將成大吉統軍駐紮漢口因索  
欠餉未得幾至譁變謙鈞單騎至軍曉以忠義軍心翕服無敢  
於境內滋事者同治三年官文以謙鈞廉正勤明總理湖北糧  
臺接濟鄰省諸軍月餉綜覈精密任勞任怨洵屬才能出衆之  
員疏請獎勵 賞鹽運使銜四年調武昌府知府以大計卓異  
巴陵縣志 卷之三十四 人物志七列傳 二

加一級尋署漢黃德道嗣以在漢口鎮後湖一帶築堡開壕設  
立礮臺下部優敘八年擢廣東鹽運使廣東濱臨大海六門內  
外私鹽出沒靡常謙鈞巡緝嚴密梟匪斂迹省城越華書院向  
由運司衙門支給膏火銀兩謙鈞覈實給發不假吏胥之手復  
捐菊坡精舍經費肄業者均沾實惠九年以前在湖北籌辦陝  
西捐餉出力加按察使銜十一年正月署按察使七月直隸被  
災謙鈞捐資助賑 賞二品頂戴謙鈞歷任所至以整飭風化  
爲先民有以細故爭訟者每婉轉勸諭發其天良往往爾造感  
泣不終訟而去尤畱意京控發審案件日必親臨謙局悉心研  
鞫以故判結最多案無畱牘署廣東按察使司時創建候審公



所為待質人證棲止之處籌備資糧賙其衣食鮮有痠斃者南海番禺兩首邑每多羈囚謙鈞令立積案局酌定章程派員推鞠用能剖決平反悉成信讞積贖為之一清十二年因病乞休

十三年卒 欽差大臣大學士陝甘總督左宗棠以謙鈞循良

卓著疏請將政蹟宣付史館 諭曰已故廣東鹽運使鍾謙鈞

歷官湖北廣東等省廉惠宜民輿情愛戴並捐廉助賑尤屬急

公著湖廣兩廣總督湖北廣東巡撫即將該員事蹟查明咨送

國史館立傳以昭激勸子銘候選郎中 國史循吏傳 邑人

雲卿始官沔陽鍋底司巡檢調署沔陽州同知駐新隄善撫其

民當咸豐初元粵逆踞湖北武昌漢陽二郡陷賊中而新隄一

隅稱完善商船雲集市廛盛曩時蠹勇奸民耽耽府君束以團

練無敢逞乃益招集難民出私錢列蘆柵沿江上下以居之鄂

巴陵縣志 卷之三十四 人物志七列傳 三

撫益陽胡文忠大兵潰參山移營陸口饒仗皆取給新隄軍以

無譁文忠嘗署其贖尾日好手真好手宜昌平善壩創設過江

釐局黠商出死力為難文忠屬府君事賴以濟文忠出境討賊

府君居省垣主餽餉而賊方上犯黃州德安南岸賊擾及興國

大治軍營月需餉鉅萬府君悉心規度支緩急悉當朝邑閣尚

書敬銘是時方按察湖北亟稱其品節詳明德性堅定事理通

達心氣和平積功保知府補漢陽加鹽運使銜漢口為天下

大都會面江背湖平衍無障蔽粵逆屢踞擾市人喘息不得蘇

而河南捻賊既闌入楚邊則尤利茲士思一飽掠府君用邑人

彭燮言創議築城城工既竣而捻賊來迫澠口以漢口城守嚴

終不敢近彭燮者湖北循良吏亦胡文忠所禮用士也攝漢黃

漢口淮鹽旋擢兩粵鹽運使正時督兩江聞府君廉靜有為檄辦

十乞休歸明年卒於家嶺以南物產蕃阜上下競為侈靡運使

入境鹽商盛供張數百里途次廚傳敕備府君棹小舟徑去杯

勺不濡官廨陳設華偉居者率卷舊求新日費由鹽商領庫款

承供歲且不貲府君至則盡罷之而所裁歲入雜款並各場陋

規又且數萬金身處膏脂迄四年從未一府君起家寒微及貴不

僧舍粵人謂自手有運使以率諸弟往田日吾故業也焉敢忘未嘗

以易憂歸家居常手鉏率諸弟往田日吾故業也焉敢忘未嘗



為經生之業然善談名理嘗徒步入衡山居數月乃去寺僧不知其為官人以無子故置二妾後俱遣去獨居三十餘年妻或往省之任所相對茗談而已居官興必味爽終日治文書不輟疏牘多手自酬答在湖北設廬漢口收容江南北婦女之劫於兵者畱待親故認取無歸則擇匹嫁之保全不下千人咸豐乙卯丙辰間漢陽以北遭捻躡饑民纍纍集漢口府君罄俸倡賑歲暮予資送全活幾數萬人在廣東捐助湖北直隸甘肅天津之院為前賢名迹特捐二萬餘金先後助湖北直隸甘肅天津之賑而巴陵橋瑤樓亭試院社倉義塾賓興捐資亦且數萬金身後遺產家僅能自給嘗謂嗣子曰以財濟人此富而好義者所優為吾官且顯利民者當不徒在是抑以吾家世寒儉子孫能讀書不窮餓足矣厚自封殖後人將有以侈敗者誰實貽之而不早散之耶汝宜思吾言重刊十三經注疏通志堂經解古經解彙函小學彙函板存粵中左恪靖侯之西征道漢陽府君時守漢陽感念時艱因奉二千金餉軍力請隨營自為書千言上之時西事方棘從官多畏縮恪靖得此則大喜將與俱西而巡撫為今兩江總督曾威毅伯書抵恪靖謂奪我湖北民至恪靖乃疏上其事且謂循吏之功大於良將宜任鍾某以大者並還其金及府君既沒恪靖疏陳治績請宣付史館而湖南巡撫亦疏陳府君義行請予特獎皆得旨允行湖北尤感念遺

巴陵縣志

卷之三十四

人物志七列傳

四

愛入祀漢陽名宦祠府君之初入官也缺有優於鍋底者府君及某惟吏所左右府君竟屬吏與某人皆難之葬甌筆山

周瑞字芝舫咸豐初元兵事起瑞以諸生入胡文忠幕號知兵積剿賊功保湖北知縣當賊蹂湖北時大帥議湖北南岸下游陸路之要在興國一州由州而西北通大冶武昌江夏瀕江之路出鄂城之下由州而西通通山崇陽通城咸甯蒲圻依山之路出鄂城之上宜宿重軍邊江西陸路之賊固鄂門戶於是令瑞率湘勇以往瑞既平興國因畱治州事以守禦之後數年而權鄖縣年餘竟以誣罷歸而死瑞為人重節義上氣不肯為不肖屈當道光末年縣蠹丁某罹於法丁乘粵寇之亂脫械出招聚鄉中亡命洶洶將為變瑞憤曰吾叔父讐也夜迫丁匿所縛



送督帥壘門斬之既乃割取丁一體設叔父墓前爲祭由是有  
義勇聲善化周樂以知府主湖北軍精絕餽遺厲風節瑞故居  
樂門下推樂爲正人然且以嚴語相規瑞嘗假貸於樂卒盡償  
之樂歎曰以罷官人而不負居官人金者吾見亦罕瑞沒且十  
年樂猶舉其相規語謂雖古直諫不是過云鄖爲鄖陽府附郭  
縣瑞故廉介士頗不直知府所爲合郡以其疾苦籲知府而不  
得請瑞毅然爲之地合郡之民書額懸縣治文曰恩周六屬知  
府用是益慙恨造蜚語上聞巡撫遂入瑞計典瑞曰吾不恨失  
官恨爲正人所劾耳其時巡撫湖北者曾威毅伯也然知府竟  
以贓敗

巴陵縣志

卷之三十四

人物志七列傳

五

楊玉輝字蘊山咸豐中從曾文正剿粵逆有功署太平知府補  
廣德知州居官勤敏

方大湜字守初一字菊人鄉賢方鉅出嗣子巡撫廣西四川鄉  
賢方中丞顯之五世孫襄陽縣民所歌方公好海內所稱北游  
南方者也起諸生從事胡文忠戎幕保訓導以知縣用旋權廣  
濟縣事文忠諭以書曰廣濟前任催征不力又縱容壞種擾民  
今以此奉求足下足下其剋日馳赴迅徵錢漕勤恤民隱毋令  
胥役得詐索民錢吾惟聽循聲之洋洋耳大湜一如其教縣大

治遂爲其縣知縣

訪緝通賊謀反之何致祥等胡文忠批其牘云世人不過稱爲能吏我謂非正大仁賢不

能如此認真辦事又稱其有除惡務盡之苦心制治未亂之大  
略大湜爲政以不取爲與不擾爲安有事四鄉恆屏去僣從惟



以一擔夫一僕自隨道遇控訴者即就其地為審結決訟初不作聲色任兩造各盡其辭而徐出片語拆之或詰以鄉村瑣屑曼衍四達若無涉於本事者往往出不意得其情實屢決大疑獄皆得自從容研鞫不以刑求常曰古人言聽訟聽字當翫若以威勢噤其口何為聽耶嚴制胥役然不為已甚自是至去官常計其所往之遠近量給路資曰彼亦吾民也

之日前後二十餘年咸豐十一年廣濟任內同治二年 歷官廣

濟襄陽縣知縣襄陽宜昌武昌府知府荆宜施安襄鄖荆兵備

道直隸按察使布政使山西布政使以忤山西巡撫罷歸中閒

凡兩署荆宜施道復前所手定關權善章三至襄陽親見其德

政之碑生祠之主最後買浙桑數十萬株分給民間教之種藝並設局飼蠶著有桑蠶提要所至民

咸喜其來而悲其去而襄陽之水利前後凡兩濬襄團防著有

章程修防芻言宜昌之賑務事杜同治九年為宜昌從來未有之災大

巴陵縣志卷之三十四 人物志七列傳 六

萬緡籌賑解任後廣濟武昌之隄工著有隄工約 其政之犖犖

尤著者也大湜沈默鎮靜倉卒閒喜愠不形於色與人交初若

難合者然久而不渝以孤寒遇文忠特知當大兵之後湖北百

孔千瘡文忠率寮屬日夕淬厲惟恐不給大湜於時惟知有民

事而已接鄉民如其長老士民以事來謁者及門即見款款如

間細務其所治隄費省而工堅自云得好問之益守襄陽時

駐襄陽之湘營以索餉故且謀變其統領略無聞知也大湜賴

鄉民為之耳目先事為防襄樊得以無擾事上官等於師弟解去苛嬈所謂奔走形

勢揣摩以為迎合者大湜微特未嘗身試亦幸不目覩其事自

文忠薨後他及事文忠者或以趨時幸速化而大湜樸拙如故

其知襄陽也忤學使某某書詆之於巡撫巡撫復某某書謂此人



官場怪物當爲君除之未幾安徽學使朱道出襄陽襄陽令值郵之役與學使從僕相毆朱笑曰吾所至州縣多矣未見有毆吾僕者因謂巡撫湖北有此州縣官而不卽奏遷顧使久任衝區設不幸得罪勢要有所中傷則負此好官卽上負朝廷下負百姓矣巡撫於是知府保薦疏稱大湜志節貞廉才情沈毅前赴廣濟任內卓著循猷士頌民懷自調署襄陽以來潔己愛民事事親理終日堂皇治事籤押房不設牀榻危坐披覽無玩好之陳樓臺泉石之游觀暇則以經籍自課不設門印之流不假僕從之手禁僕從華服及私出署書而已不可者遣之不以詞斥相加收發公文柳由內發審理詞訟鑼自外鳴而愛民如子嫉惡如仇孜孜不倦本年夏間飛蝗入境該員親

巴陵縣志

卷之三十四

人物志七列傳

七

行田隴手持竹竿足穿草履倡率農夫實力撲捕萬民踊躍歡

呼三日之內蝗孽淨盡

任廣濟時捕蝗如赴襄陽蝗密附灘中蘆根捕者無所置力忽有羣鳥數千下

啄蘆根蝗盡殲焉

襄陽士民僉謂數十年來未見如此好官靡

不額手稱慶事在同治二年巡撫爲嚴渭春蓋朱門下士也光

緒六年兵部右侍郎朱智遵旨秘保人才疏稱其秉性耿介

操守堅定勤求民隱視國事如家事才堪大用其罷官歸也

左文襄方督兩江時法夸方擾粵南疏稱大湜素爲胡林翼所

器重以循良稱前任襄陽時誠心愛民大得民和至今去思弗

絕臣深知其爲人擬請旨將該員發往沿海各省以資練習

備他日之用其爲諸大臣推重於此然大湜於京都及各直省



達官顯宦非嘗躬爲其屬者絕無竿牘之投衡陽彭尙書雅重大湜及大湜以毀武昌縣之樊口隄被劾尙書奉旨履勘亦

誤中人言不直大湜然樊口實萬無可隄理隄則緣湖七八州

縣被湖水漲溢之害今兩廣總督張著有樊口私議亦言口不可塞大湜卒不以自申

於尙書王侍郎文韶自湖南巡撫入贊機務以大湜爲襄陽舊

交臨別鄭重屬數致書札告以外事大湜箋候外卒無一語他

及左文襄之入相也道過直隸大湜以直隸布政上謁文襄迎

語曰吾知子久矣吾與子伯兄稼軒相過從京寓甚密語輒盡

日時子枉側也竟不復省憶耶蓋文襄自督師至封侯大湜不

一相聞問故文襄云然李傅相嘗謂其里人孫振銓曰如菊人

巴陵縣志卷之三十四 人物志七列傳 八

者豈甘巴結上司彼乃上司所欲巴結而惟恐不獲者耳山西

巡撫某以書生驟任封疆設施多不中程式大湜顧仍如事胡

文忠時守正不阿天性使然是非久而自明饒饒者深文巧詆

不足爲毫末病也所著書二十餘種詳藝文志其平平言四卷

官所以利病民者抉發殆盡蓋亦自道其甘苦云論廣濟縣民裁蘆護隄示

云照得沿江一帶全賴隄勝濟邑江隄上起盤塘山腳下抵黃梅縣界隄身低薄危險堪虞本縣博訪周諮再三規畫爲目前

救急之計莫如培厚加高爲將來保固之謀莫如栽植蘆葦蘆

栽肥地高至二丈有餘瘠地亦高丈許又最稠密堪禦風浪保

衛隄勝無踰如此只以愚民無知有地必種種必豆麥棉花斷

不肯以隄外江灘栽植蘆葦一遇水漲之年風狂浪湧隄勝潰

決不特隄外之江灘一無所得即隄內之田廬亦不可問不特

兒女之性命難以苟全即祖宗之墳墓亦不可問種種困苦爾

百姓既備嘗矣自應綢繆未雨栽蘆葦以保隄勝乃迷而不悟

猶希冀於來年江水之不漲則何以故豈爾等世居江干不知



蘆葦之可以保隄耶則試與爾等考往事乾隆年間黃前縣督  
民栽蘆保固至數十年之久後因細民牟利漸次開墾江灘蘆  
葦無復存者以至浪嚙隄身疊次潰決此往事之明證也胡爲  
乎不栽豈代遠年湮往事之流傳未足盡信耶則試與爾等論  
現在上下七十餘里現惟五里棚全栽蘆葦龍塘中廟兩棚亦  
間有栽者本縣前次臨隄查勘有蘆之處隄勝如故無蘆之處  
風浪撼激崩卸居多此現查之明證也胡爲乎不栽然使蘆葦  
難於栽植爾等因而而不栽猶可說也查栽蘆之地不論肥瘦栽  
蘆之時不論冬夏根可栽花可栽桿亦可栽易莫易於此矣胡  
爲乎不栽然使蘆葦難於繁盛爾等因而而不栽猶可說也查  
性叢生今年栽一株明年即可發數十株如人不侵犯牛不踐  
食生生不已栽一株即可發萬千株盛莫盛於此矣胡爲乎不  
栽然使蘆葦僅足以保隄而保隄之外一無所利爾等因而不  
栽猶可說也查蘆有二種一名泡蘆一名結蘆可織席可編籬  
可供炊爨是其利甚溥也胡爲乎不栽然使通盤打算蘆葦之  
利果真輕於豆麥棉花爾等因而而不栽猶可說也查豆麥棉花  
母論種於何地種於何年人工糞草牛糧籽種闕一不可况江  
灘本在隄外水淹隄脚則江灘之豆麥棉花化爲烏有諺所謂  
十年九不收也若蘆葦則不然初栽之日略費工本栽成以後  
便不須半點人工不須半點糞草不須半點牛糧籽種初年半

巴陵縣志

卷之三十四

人物志七列傳

九

收次年全收至於三年則有過倍之收自是而後一年有蘆一  
年有收年年有蘆年年有收既不畏水又不憂旱栽蘆者安坐  
而享其利栽蘆者之子孫亦安坐而享其利爾等母僅以蘆葦  
之價值較豆麥棉花之價值也試除工本而計之則蘆葦之利  
重矣爾等母僅以豐年之蘆葦較豐年之豆麥棉花也試合凶  
年而計之則蘆葦之利不輕矣胡爲乎不栽揣爾等不栽之意  
不過曰錢糧爲重耳不知江灘本無錢糧即有飛酒亦甚輕微  
蘆葦之利除完賦外總多盈餘安得以錢糧藉口不過曰盜賊  
堪虞耳不知有蘆處所不必定有盜賊盜賊竊發亦不必定在  
有蘆處所即或栽成之後沿江皆蘆難保無盜賊出沒其中然  
盜賊之害害一人耳害一家耳害數家耳隄勝一決則廣濟之生靈受其害  
人受害家家受害矣廣濟之隄勝一決則廣濟之生靈受其害  
梅宿松懷甯望江之生靈亦無不受其害矣兩害相形則取其輕  
安得以盜賊藉口本縣下車以後即飭業民人等廣栽蘆葦而  
遵示種植者甚屬寥寥用是不憚苦口特再剴切曉諭自諭之  
後爾百姓母得游移觀望仍前不栽不栽者罪毋赦地入官本  
縣欲救一路之哭不願一家之哭也須知本縣籍隸湖南此隄  
一潰本縣之田廬無恙也本縣之祖墓無恙也所以苦勸栽蘆  
者實爲爾等田地計爲爾等房屋計爲爾等墳墓計爾等務須  
打破迷團轉相勸導毋令本縣必以三尺從事茲將酌定栽蘆



條規開列於後延見屬吏諄諄訓誨不以上嘗言吾官至藩臬官自尊下逮佐資亦優以禮

其各凜遵毋違貌嘗言佐資例不得擅受然何以爲生但但變擅受爲善受無害於民可無深論矣不如爲知縣之樂吾

任廣濟久官民相信遇有所句攝不需差役但令其鄰近在縣

者傳語若早來則即來矣有傷人及盜者吾意必某村某家已

而果然自謂庶幾能知一縣者又言曩文忠嘗舉許魯齋學者


治生之說謂宜積廉俸買田先爲可退之計乃不至爲官所縛

我至今無內顧憂得行其志者文忠之教也大湜居官既久本

所聞於文忠者又嗇其服飾所需而益廣之爲學租田三百九

十餘石以贍縣諸生義田三百石以贍族人義渡田二十石以

利行人事詳義舉志家居四年擁書數萬卷課桑千餘株絕迹

巴陵縣志  卷之三十四 人物志七列傳 十

不履城市子三人皆爲諸生少者早卒有傳長朝槩湖北知縣

朝槩戶部郎中中光緒丙子順天鄉試與大湜並稱之北游者

名智開同時官順德知府湖南人朱學使名蘭字九香

彭名湜字鴻川以事例起陝西縣丞歷官四川營山成都知縣

馬邊同知甯遠潼川知府先後舉治行循良俱第一以人材保

擢浙江鹽運司未及聞 命卒川東道任在官嘗督鄉兵靖內

寇銷患未萌曲突功最顯當時無赫赫名而深相知任之丁尙

書葆楨又相繼薨名湜不得如鍾運使吳中書之遇左文襄奏

列 國史殆有幸有不幸焉其行事要可述而紀也名湜性坦

夷遇人無貴賤壹執謙退終其身無所訶詈獨論事上官前侃



侃不少屈知營山時本管知府楊某故良吏然務以法繩寮屬中輩語召名湜詰責盛氣以待名湜入白事揚揚如平時楊頗意解顧左右命酒曰聞子故豪飲其爲我極歡縱談與訂交爲言大府名湜由是知名後所遇上官不能盡如楊之轉環而公義相取卒抄中傷蓋自樹立者然也權成都縣也滇賊土寇環集號百萬名湜助大吏堅守廢寢歷五十晝夜及趨富順大吏以縣當孔道特檄名湜往守而賊已踞縣上流之牛伏渡游騎或時至城下名湜縋而入洞啟四門號令於民使無恐賊莫測所以未敢遽逼已乃牒援軍据近城河橋爲犄角援軍與賊搏戰久橋下水盡赤而賊來益眾勢且不支名湜未及蓐食連引巴陵縣志

卷之三十四

人物志七列傳

十一

數巨觥率壯士怒馬馳戰所大呼諸君好爲我殺賊我統大軍來矣賊方錯愕聞而上流水忽奔騰建瓴下濤頭射賊如連弩賊大驚奔退於時人謂名湜得神助軍益振縣境以全先是一夕城中火四起名湜方設飲命侍者挈壺榼從赴城樓賊舉火城下矣名湜坐樓上飲益酣令各按部伍無譁俄而斬一人以徇則約是夜開門應賊者鹽販之變也邑人請預勒團勇往捕大吏且嚴檄詰縱寇狀名湜壹不應顧日夜召賓從酣飲飲輒醉一夕漏三下出檄十餘紙馳召各團期明旦會集某所及旦則率以薄賊賊方以祭燾聚飲出不意莫能支梧名湜諭縛獻首事數人餘眾遂散是日卽賊所剋舉事之期也或問故名湜



曰無賴子烏合易了然急則負嵎或煩大兵吾姑置之以緩其  
潰決耳其沈幾弭變往往出人意表繼此禽馬邊匪徒靖甯遠  
猥夷廳事間不聞疾步遽呼指揮輒定民夷至今謳思曰彭公  
活我然功在保障郡縣迄未一出境攻討故世第聞其吏治相  
與稱述民間所誦待士寬待民寬待胥役不寬者不知此未足  
盡其能也丁尙書爲近名臣其總督四川銳意釐剔馭下頗操  
切願獨重名湜才品進納多聽從名湜因劑以寬大往時蜀產  
號豐饒稅契之贏甲天下州縣官或豔其利則奸民黠吏從而  
鼓弄之曰某短價曰某匿稅擇肉而食莫敢誰何名湜所至輒  
先禁罷之再任甯遠理銅政節糜核浮與商民同利礦苗卽枯  
巴陵縣志

卷之三十四

人物志七列傳

三

竭運額猶溢於他人旺時官美地且久數斥餘潤蘇貧困而自  
奉尤嗇縮嘗戒子繼昆等吾先大夫爲縣十餘年不渝寒素吾  
子孫席清白之遺而可以侈敗耶又曰吾祖母性仁厚貧時減  
炊米以哺族羸吾父善承親志歲恆儲斛石以供取給雖累月  
食粥不爲止而范氏義莊則尤吾父所欲放行者汝曹謹識之  
勿忘子六人繼昆出嗣官江西知縣所稱先大夫前傳中名昌  
運者也父子相繼爲循吏今繼昆亦有聲江西云  
彭燮字濟臣湖南巴陵廩生由軍功保知縣同治九年署任恩  
施聽訟令其地素號公正者別白兩造曲直始詳加訊斷案無  
冤獄因公赴鄉乘竹筥一人擔卧具食物以從不累民勺水所



至必瓌集其老弱男女爲俚語諄諄訓導有聞而涕泣者歲時  
村翁媪或詣治署携園蔬時鷄爲餽燮忻然相對如家人邑多  
豪猪害田植爲文祭之一夕盡去宰恩二載餘去官人或自湖  
南來縣輒迎問巴陵彭公安否居官時無錢今則何如因相與  
太息言此公非吾縣官乃吾百姓真父母耳施南府志續編燮任崇陽  
禁婦女粧飾傭茶俗爲之變去任通城也道經其縣縣民雷九  
九等憤縣官庇役害民斂眾入堡括財造軍械旦夕且燮官急  
請兵大府城書閉民望見燮疾走燮所以事告爭導燮入堡先  
是首事者決計反有往告以非便者雖親故閉不納及聞燮來  
出伏謁燮據坐怒罵語絕痛首事者抱燮膝泣燮亦泣環堡者  
巴陵縣志

卷之三十四

人物志七列傳

三

皆泣曰然則奈何燮曰墮汝堡散汝眾燬汝兵擇一二人從入  
縣首罪吾保汝無他燮畱堡一夕如燮言縣以無事燮議事多  
中嘗策漢口宜築城備賊後果然性戇直不能軟語向人上官  
前或自稱我自胡文忠公初定湖北任以釐政先後且十餘年  
能行法外意所至人思自署廳事日脂膏有限從寬是會計無  
才欲當難孫公衣言權布政就燮家檄赴武昌燮至而孫公以  
升任去後遂無能知燮者爲諸生時館城中何氏何氏云今三  
十餘年中不復見如此塾師罷官家居久偶訪舊城中官吏或  
就見之則已疾驅出城矣

何敦五字丹臣少侗有大志成豐二年賊圍長沙湖北巡撫



常公設防湘陰土星起從其軍師潰繳軍械鄂垣城陷脫歸上  
書太守賈公宜防賊上竄奉檄募漁人百數畧教之戰四年春  
岳城再陷敦五益憤徒走數百里徑投曾侍郎大營長沙七月  
克岳州委充水師正後營統領時統左右前營者爲今兵部尙  
書彭公玉麐前陝甘總督楊公岳斌及殉難安徽巡撫李公孟  
羣敦五左倚右角遂克武漢破田鎮抵九江皆與有功方攻田  
鎮也礮毀其舟傷其左股敦五不少挫曾公稱爲血性男子行  
抵蘄州有澄海營統領白人虎歿於陣接委者莫能制兵以大  
譁曰必得如何某者而後可於是改委敦五統領澄海五年正  
月九江失利曾公馳赴江西檄敦五等回援湖北駐旛洲以斷

巴陵縣志

卷之三十四

人物志七列傳

十四

賊糧忤當道意奉裁而曾公仍自江西以書招之有疾風勁草  
之語敦五再投江西曾公絕不任以戰事積勞累保至候選道  
員非所樂也同人有勸之引見者謝之至爲集貲應手輒盡初  
未一入都門其輕財任俠本乎天性周負士不待以請有湖口  
局員某將以虧項七白金被揭敦五慨然任之座客常滿監湖  
口鹽務掣驗二十餘年費遺產過半光緒十三年九月客遊太  
倉以微疾卒於州署州主莫君祥芝喪之逾骨月曾制軍聞之  
以千金授其孤護喪以歸時人益賢之敦五生平心折惟湘鄉  
相國一人雖未大用死生以之曾侯薨敦五名在湖口實放浪  
不視事客遊長江上下閒購求陳書古畫或蓄花鳥恣爲游泔



以此自終嘗語人曰湖南武功震天下特長衡寶三府耳岳人如平江者死事極眾而終無赫赫稱此不關府運歟聞者亦頗有慨乎其言

補

劉長清一字松巖以待衛累官川北鎮髮逆闕廣西督川兵進勦旋署廣西提督專辦北路坐師久無功革職俄卒長清雍容文雅善拊循士卒身後賊益橫諸大帥相繼敗衄合天下之力迄十餘年而亂始定論中興功者每追惜之長清長女名瓊精筭術工詩文歸福建候官林氏爲文忠公孫婦其慰父罷官云諸葛街亭猶坐貶雷霆雨露總思覃深得立言之體云

巴陵縣志

卷之三十四

人物志七列傳

五